

Партийн гардвэриг чаньгъахын төлө

Сарпинск районы IX партийн конференцияс

Эн джилын октябрин 11-д Сарпинск районы IX партийн конференц болв. Районы партийн организацин джилэ кэдлмшин тооцана туск докладиг партин райкомин сөглэтр ур С. Н. Наранов кев.

Районы партийн организац, элц партийн организац, специалистир болн куч-колхочнр, колхозмудт болн совхозмудт государств өгчэх дөнъгиг олзлдж, селанэ эдл-аху түргэр өдлүүлхин төлө зүткчхэснь докладт темдглгдв.

Колхозин тосхлтиг цааранднь делгрүүлгэна болн МТС-н бурдэмдэ оньгдаруллгэна тускар "КПСС-н ЦК-н февральск Пленумин шиидврмүд күүцэдж, районы колхозмуд эн джил 7 сай гар арслнъга техник хулдэ авцхав. Сентябрин 25 күртл 3,8 сай арслнъ мөнъгн (53 процентнь) государствд хэрү өггддж. "Гигант" колхоз государствас авсн техникиннь мөнъгинь күүцднь өгчкидж. Техникиг колхозмудт өглгэн, анэ эдл-ахун кэдлмшг сэн ибүвүд өгснь докладт темдглгдв.

Эн джил государствд буула хулдлгэна зурагъан район 136 процент күүцэв. Энүнэс колхозмуд 12 сай арслнъ мөнъгнэ ору авцхав. Болв, районы партийн организац, эдл-ахусин цуг аньгсиг темдгтэгъэр өдлүүлгэнд бээсн ик эв-аргъсиг олзлдж чадсн уга. Ода күртл эрдни-шишэ күүцдэн хурагддж чилэд уга.

Олна мал өсклгэна зура хөбгъэр чиги, бод малар чиги, ямаран чиги малар күүцэгдсн уга. Нег улү "Путь Ленина" колхозд мал өсклгэна зура зүг 76,7 процентд күүцэгдэж.

Эн зура райогъар бүкдэн эс күүцэгдлгнъ учрта. Келхд, йисн сарин дунд, олна хотд алглснтагъан болн үкснтагъан 25.736 хон болдж гарв. "Сарпинский" совхозд бээсн цуг хоонэснь 7,5 процентнь үкдж.

Эн джил зурагъас 30 минъгэн хургэн тагу авгддж, хон болгэнас дундлад авгдх 5 килограмм ноосна өмд 4,1 килограмм ноосн авгддж. Термет, үкр болгэнас саагддж авгдх үснэ зура, государствд мах, өндг орулдж өглгэна зура чиги күүцэгдэд уга.

Олна малд хот белдлгэна зура 91 процент күүцэгддж, силос дардж авлгэна зура зүг 54,2 процент күүцэгддж.

Хөбнэ 86 хошар 25 дулан хаша ода чиги кергтэ, хөбчнр бээх 52 гер ода күртл кегддж дуусгдэд уга.

Цуг эн тоот дуту-дундсла хамдан, кэдлмштэн сэн күүцмджтэ болсн онц коллективс, онц улс докладт темдглгдв. Улгүринь келхд, хон болгэнас 6 килограмм ноос киргэсн, "Гигант" колхозин хөбч Никитенко, төлг болгэнас 6,6 килограмм ноос киргэсн, бас эн колхозин хөбч Немашкалов, 2-ч совхозин хөбчнрин комсомольск-багъчудин, Бундиевин болн Восгриковин бригад "Сарпинский" совхозин хөбч Аксюк зун хон болгэнас 114—119 хургъ авцхадж, 2 ч совхозд багъчудас бүрдсн, үр Шургучиевин хөбнэ бригад төлг болгэнас 7-д килограмм ноос киргэдж.

Сарпинск районы партийн организацин тооцана докладт, партийн гардвэриг шуудж-шалгылгэна төр ивр багъар келгдв. Районы партийн организац эврэннь өлр бүрин кэдлмштэн районы цуг үүлдврт

багъар оньган өгснь докладт татугъар келгдв.

Докладт районы бээрн газрин промышленностин кэдлмшин тускар келгдв. Энд бээх тоосхин завод шинрүлдгдэж тосхлгэнд прокомбинатин дирекц оньг өгсн уга. Тоосх кевллгэна зура 38,6 процент, хагсадж-болгылгэна зура зүг 20 процент күүцэгддж.

Партиин райкомин болн элц партийн организацсин гардвэрт гол орм эзлх зөвтэ төр-партийн чадмгэа гардвэрин дамшл тархалгэна кэдлмш, районы партийн организацин бийиннь оньгас холджсна учрар, зэрм элц партийн организацсин хаджгър гардвэриг КПСС-н райком үздж, заадж темдглго бээсн учрар, районы эдл-ахус багъ күүцэртэ болснь делегатнрин босдж келсн үгмүдэс саянар илдкгдв. Келхд, "Гигант" колхозин бригадин бригадир ур Пазухин, 2-ч номертэ совхозин элц партийн организацин сөглэтр ур Гришков, Сарпинск РТС-н директор ур Дьяков болн нань чиги делегатнр, КПСС-н райкомин сөглэтрмүдин, цуг партийн организацин кэдлмшиг гүүнэр шалгэдж келцхэв.

Сургэмджта, сэн кевэр шалгылгэна болн бийсэн шалгылгэна өдлэн кемджэнд конференц болв.

Конференцин кэдлмшт КПСС-н Таньгъчин комитетин негдгч сөглэтр Н. И. Жезлов орлв.

Конференцин суулэр болсн бурдэмдэ пленум деер КПСС-н Сарпинск райкомин негдгч сөглэтрт ур Постников, хойрдгч сөглэтрт ур Гецелов болн сөглэтрт ур А. Евсеева суньгылгдв.